

[*en marge*] Ecclesia campestris parochialis sancti Caesarii de Cataro

Die 24 iunii.

Praefatus dominus Ferrarius visitator qui supra (etc.).

Venit ad locum Catari, cuius parochialis est ecclesia campestris sancti Caesarii martyris, in qua nihil conservatur et solum ibi celebratur in die eius festivitatis.

[*en marge*] Oratorium sanctae Luciae

Venit itaque ad oratorium sub invocatione sanctae Luciae virginis et martyris. Fecit ibi absolutionem mortuorum et

[278r] Visitavit et adoravit sanctissimum Eucharistiae sacramentum, quod in pixide ex aere inaurato reposuit intra tabernaculum, cuius seram mandavit firmari et clavem inaurari.

Vidit aliam pixidem minorem totam argenteam et ostensorium ex aere inaurato, cuius lunula cum sua patenula mandavit inaurari. Habet tres calices cum cuppis argenteis et tres patenas, una quarum est argentea.

Altare maius est decens et bene provisum.

Sacristia etiam est decenter provisiva de sacra suppellectili.

In hoc oratorio est erecta societas confratrum sanctae Crucis vestientium cappas albas et habentium capitula ab ordinario approbata. Nullos habet redditus certos, sed solas contributiones confratrum et eleemosynas piorum, de quibus redduntur rationes coram novis prioribus cum assistentia parochi.

Visitavit deinde aliud altare sub invocatione sanctae Luciae virginis et martyris, [278v] cui mandavit provideri de cruce, in reliquis est ad formam.

Visitavit etiam aliud altare sub titulo beatissimae Virginis de Rosario, quod est ad formam et cui est aggregata societas mulierum et etiam virorum, sed administratio est tantum apud priorissas, quae reddunt rationes coram reverendo domino rectore, et manutentio altarium ac oratorii fit a praedictis societatibus ac ex eleemosynis populi.

Visitavit fontem baptismalem habentem concam marmoream, ciborem vero ligneum, in qua conservantur sacra olea chrisimatis et cathecumenorum in suis vasibus stamneis.

Vas pariter stamneum cum oleo sancto infirmorum conservatur in sacristia, cui mandavit

provideri de bursa sericea violacei coloris cum suis cordulis, et pro illo conservando ordinavit in choro a cornu evangelii aptari fenestellam intus aliquo panno ornatam, cum suo ostiolo clave [279r] muniendo, et exterius super inscribi *Oleum sanctum*.

Sedes confessionalis est ad formam.

Admodum reverendus parochus huius ecclesiae est dominus Darius Sabellus de Aregno, aetatis annorum 58, habens bullas in romana curia expeditas et de reddito libras centum quinquaginta quinque.

Animae huius parochiae sunt 345 circiter et quae communicantur 200 circiter.

Libri parochiales, scilicet baptizatorum, mortuorum et matrimoniorum sunt ad formam.

Doctrina christiana docetur.